

Төлеби ауданы
«Бәйшешек» бөбекжай-бақшасы»
мемлекеттік коммуналдық қазыналық кәсіпорны

01-16

**Меңгеруші жанындағы кеңестің
хаттамалары**

5 жыл СТК
16 тармақ (14)

Қағаз жеткізгіштегі құжаттар
және олармен бірдей
электрондық құжаттар

2023-2024

ОҚУ ЖЫЛЫ

Меңгеруші жанындағы кеңестің хаттамасы

№1 хаттама

Өткізілген күні: 06 – қыркүйек. 2023 жыл.

Қатысқандар: Бөбекжай меңгерушісі Булекбаева Ж.А., әдіскер Бектемирова А.Е., медбике Потапова Н.В., шаруа меңгерушісі Арсланова А., балабақша тәрбиешілері және тәрбиеші көмекшілері

Қатысқандар саны: 16

Қатыспағандар саны: жоқ

Күн тәртібінде қаралатын мәселе:

1. Мектепке дейінгі ұйымның Нормативті-құқықтық құжаттарын талдау.
2. 1 қыркүйек - Білім күнінің қорытындысы
3. Жыл бойы өтілетін ертеңгіліктер мен сауықтыру іс – шараларын жоспарға сай бекіту
4. Салыстырмалы бақылау нәтижесі. Ортаңғы топтарда

Тыңдалды: Жиналысты бөбекжай меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе бойынша бөбекжай әдіскері Бектемирова А.Е. сөйлеп, мектепке дейінгі ұйымда басшылыққа алынатын Нормативті-құқықтық құжаттар туралы айтып, таныстырды. Қазақстан Республикасы Оқу- ағарту министрінің 2022 жылғы 3 тамыздағы № 348 бұйрығымен бекітілген «Мектепке дейінгі тәрбие мен оқытудың мемлекеттік жалпыға міндетті стандартымен және 2023 – 2024 оқу жылына арналған 26-шілдеде 7-хаттама негізінде ұсынылған әдістемелік нұсқау хатпен және Мектепке дейінгі тәрбиелеу мен оқытуды дамыту моделі 2021 жылғы 15 наурыздағы № 137 қаулысымен таныстырды.

"Мектепке дейінгі ұйымдарға және сәбилер үйлеріне қойылатын санитариялық-эпидемиологиялық талаптар" санитариялық қағидаларын бекіту туралы, Қазақстан Республикасы Денсаулық сақтау министрінің 2021 жылғы 9 шілдедегі № ҚР ДСМ-59 бұйрығы, Мектепке дейінгі білім беру саласында мемлекеттік қызметтер көрсету қағидаларын бекіту туралы Қазақстан Республикасы Білім және ғылым министрінің 2020 жылғы 19 маусымдағы № 254 бұйрығы және т.б. басшылыққа алынып, орындауға тиісті нормативтік құжаттарда не талап етілетіні жайлы түсіндірді.

Жарыссөзге шыққандар: медбике Потапова Н.В. сөйлеп, балалар денсаулығына және әр қызметкердің денсаулығына көп көңіл бөлініп, барлық қауіпсіздік шараларын сақтауға ұсыныс айтты.

Тәрбиеші Г.Серикбаева сөйлеп, биылғы оқу жылында бала жасының ерекшеліктері әр топта қандай болу керек деген сұрақ қойып, жауап алды.

Сөйледі: күн тәртібіндегі екінші мәселе бойынша бөбекжайдың меңгерушісі Булекбаева Ж.А. сөйлеп, «1 – қыркүйек Білім күні» мерекесі жаңа

оқу жылында ата – аналардың қатысуымен мерекелік іс-шара өтіп, барлық топтың жас ерекшеліктеріне қарай тақпақтар айтылып, мерекеге сай балалардың өнерлері көрсетілгені, жалпы «Білім күні» мерекесі өз деңгейінде жақсы өткені туралы айтып, біршама толықтыру жұмыстары да жүргізілу керектігін де айтып өтті.

Жарыссөзге шыққандар: әдіскер Бектемирова А.Е. сөйлеп, оқу – тәрбие жұмыстарын жүргізуге көп ізденіп, тәжірибе жинақтау керек екені жайлы ұсыныс айтты.

Сөйледі: күн тәртібіндегі үшінші мәселе бойынша бөбекжайдың меңгерушісі Булекбаева Ж.А. сөйлеп, жыл бойы өтілетін ертеңгіліктер мен сауықтыру іс – шараларымен таныстырды. Педагогтар әр топта өтілетін ертеңгіліктерді өз деңгейінде өткізуін талап етіп, жоспарды бекітті.

Сөйледі: күн тәртібіндегі төртінші мәселе бойынша бөбекжайдың әдіскері Бектемирова А.Е. сөйлеп, ортаңғы топтарда салыстырмалы бақылау нәтижесі жайлы айтты. Ортаңғы «Балапан» және «Балбөбек» топтарында үлгілік оқу бағдарламасын балалардың меңгеру деңгейі, тәрбиешінің оқыту әдістемесі, балалардың жас ерекшеліктеріне қарай өз алдына жұмыс жасау қабілеті, тәрбиешілердің іс – құжаттарды жүргізуі, ата- аналармен байланыс, апталық циклограмма бойынша жүргізілетін барлық оқу – тәрбие жұмыстары салыстырылғаны, екі топта да бала жасының ерекшеліктеріне қарай толық жұмыстар жүргізілуі қажеттілі салыстырмалы түрде айтылды және оқу жылының ортасында тағы да салыстыру жұмыстары бойынша түсіндірме жұмыстары жүргізіліп, анықталатынын айтты.

Меңгеруші жанындағы кеңес жиналысының шешімі:

1. Бөбекжайдың оқу – тәрбие жұмыстары мектепке дейінгі ұйымның нормативті-құқықтық құжаттарын басшылыққа алынып жүргізілсін.
2. 1 қыркүйек - Білім күнінің қорытындысы жақсы деп бағалансын.
3. Жыл бойы өтілетін ертеңгіліктер мен сауықтыру іс – шаралары жоспарға сай бекітілсін.
4. Ортаңғы топтардағы салыстырмалы бақылау нәтижесі жақсы деп бағаланып, салыстырмалы бақылау жалғастырылсын.

Бөбекжай меңгерушісі



Булекбаева Ж.А.

Бектемирова А.

Меңгеруші жанындағы кеңестің хаттамасы

№2 хаттама

Өткізілген күні: 04 – қазан. 2023 жыл.

Қатысқандар: Бөбекжай меңгерушісі Булекбаева Ж.А., әдіскер Бектемирова А.Е. және балабақша тәрбиешілері

Қатысқандар саны: 9

Қатыспағандар саны: 1

Себептісі: 1 **Себепсізі:** жоқ

Күн тәртібінде қаралатын мәселе:

1. Мектепке дейінгі жалпыға міндетті білім беру стандартына талаптарына сәйкес ұйымдастырылған оқу қызметтер жоспарының жазылу үлгісін талдау.
2. Ұйымдастырылған іс-әрекеттер мен тәрбие жұмысының барысын бақылау туралы.

Тыңдалды: Әкімшілік жиналысты бөбекжай меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе бойынша бөбекжай әдіскері Бектемирова А.Е. сөйлеп, мектепке дейінгі жалпыға міндетті білім беру стандартының талаптарына сай ұйымдастырылған оқу жоспары қызметі жоспарының жазылу үлгісіне талдау жасады. Білім беру стандартының талаптарына сай әдістемелік хатта ұйымдастырылған іс-әрекеттердің жоспары қалай құрылатыны көрсетілді. Тәрбиеші балаларды ұйымдастырып, өткен ұйымдастырылған іс-әрекеттерді естеріне түсіріп қайталайды. Бір тақырып аясында барлық дағдыларды кірістіріп жаңа ұйымдастырылған іс-әрекеттермен таныстырып үйретеді, арасында сергіту сәтін, тапсырмалар өткізеді. Қорытындыда ұйымдастырылған іс-әрекеттерін пысықтап, балалармен сұрақ-жауаптар жүргізу немесе дидактикалық ойын арқылы да қорытындылауға болады деді. Осы жазылу үлгісіне қарап, ұйымдастырылған іс-әрекеттерді өткізу керектігін түсіндірді. Циклограммада күні бойы жүргізілетін іс-шаралар, жұмыстар жоспарланатынын айтып өтті.

Жарыссөзге шыққандар: Тәрбиеші А.Жунисбекова сөйлеп, шығармашылық дағды, яғни сурет салу, мүсіндеу, жапсыру, құрастыру іс-әрекеттерін кірістіріп өту туралы сұрақ қойып, қажетті жауап алды.

Сөйледі: күн тәртібіндегі екінші мәселе бойынша меңгеруші Булекбаева Жанар Акбердіқызы сөйлеп, ұйымдастырылған іс-әрекеттері мен тәрбиелік іс-

шаралардың барысын бақылау туралы айтты. Бақылау педагогикалық қателіктердің алдын алу және кемшіліктерді жою үшін жүргізілетінін айта келе, күнделікті іс-әрекеттердің өткізілуін бақылап жүргенін айтты. Күнделікті іс-әрекеттер ұйымдастырылған іс-әрекеттер кестесіне сай барлық топта өткізілуде. Алайда, кейбір тәрбиешілердің балалармен жұмыс жасау дайындығы төмендеу болған жағдайлар кездеседі. Ол тәрбиешіге сол уақытта ұсыныс, ескерту айтылады.

Меңгеруші жанындағы кеңес жиналысының шешімі:

1. Ұйымдастырылған іс-әрекеттердің жоспарлары мектепке дейінгі жалпыға міндетті білім беру стандартының талаптарына сай жүргізілсін.
2. Ұйымдастырылған іс-әрекеттері мен тәрбие жұмыстарының барысын бақылау жалғастырылсын.

Бөбекжай

Хатшы:



Булекбаева Ж.А.

Бектемирова А.

Меңгеруші жанындағы кеңестің хаттамасы
№3 хаттама

Өткізілген күні: 07 – қараша 2023 жыл

Қатысқандар: Бөбекжай меңгерушісі Булекбаева Ж.А., әдіскер Бектемирова А.Е., медбике Потапова Н.В., шаруа меңгерушісі Арсланова А. және балабақша тәрбиешілері және тәрбиеші көмекшілері

Қатысқандар саны: 14

Қатыспағандар саны: 2

Себептісі: 2 **Себепсізі:** жоқ

Күн тәртібінде қаралатын мәселе:

1. Балалардың мәдени- гигиеналық талаптарының орындалуы. Жедел бақылау.
2. «Алтын күз» ертеңгілігінің қорытындысы.
3. Дөңгелек үстел: «Мектепке дейінгі оқыту мен тәрбиелеудегі жаңартылған бағдарлама бағыттары»

Тыңдалды: Меңгеруші жанындағы кеңес жиналысын бөбекжай меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе бойынша бөбекжай медбикесі Потапова Наталья Васильевна сөйлеп, балалардың мәдени-гигиеналық талаптарының орындалуы атты жедел бақылау жүргізілгенін айтып қорытындылады. Топтардың тазалық талаптарын орындаулары бойынша нұсқаулықта көрсетілген талаптардың орындалуы жайлы айтты. Балалардың тамақ алдында, дәреттен соң қолдары жуылады. Қол сүрткіштер бір рет қолдануға арналған саны жеткілікті.

Балалардың тазалықтары күнделікті тексеріліп тұр. Топтардың, жатын бөлмелердің, асхананың тазалықтары тексерілгенін, бақыланғанын айтты. Күнделікті ылғалды тазалау, аптасына күрделі тазалау жұмыстары жүргізілуде деді. Мәдени-гигиеналық талаптарды орындамай қалған қызметкерлерге дер кезінде ескертулер беріліп, түзетілді деп айтты.

Жарыссөзге шыққандар: Бөбекжай меңгерушісі Булекбаева Жанар Акбердіқызы сөйлеп, балалардың күнделікті тазалығын, тырнақтарының өспеуін, шаштарының тазалығын қарауды тапсырды. Қолдарын таза жууды, бір реттік сүлгіні дұрыс пайдалануды қадағалау керектігін айтты.

Сөйледі: күн тәртібіндегі екінші мәселе бойынша бөбекжайдың барлық топ тәрбиешілерінен апайлар сөйлеп, «Алтын күз» мерекесінің ертеңгілігінің мақсаттарымен, өткізілу барысымен таныстырды. Сценарий бойынша әр топ жеке-жеке өткізді және балалар қандай әндер айтып, билер, тақпақтар, ойындар ойнатылғанын айтып өтті. Ертеңгілікке санитарлық талаптар сақталынып, ата – ананың қатысумен жақсы өткенін айтты.

Жарыссөзге шыққандар: тәрбиеші Кудайбергенова Куляш Маликовна ертеңгіліктердің өте қызықты өткенін, ата-аналарға да, балаларға да ұнағанын айтты. Тәрбиеші Серикбаева Гульнара Сатыпалдыевна ертеңгілікте безендіру жұмыстары өте керемет болғанын айтты.

Әдіскер Бектемирова Ақбота Есенгельдыевна сөз алып, биылғы оқу жылын ерекше түрде ата-аналардың қатысуымен әр топтың атаулары мен топтардың жұмыстарына ат қойылып, «Күзгі бақ» тақырыбында керемет көрме ұйымдастырылғанын, сонымен бірге ертеңгіліктердің сценарий жақсы құрылғанын, балалар күз мезгілінің берекесін, молшылық, көп өнім беретінін түсініп, қызықты өтілгенін айтып өтті.

Осы сәтті пайдаланып, бөбекжай меңгерушісі Булекбаева Жанар Акбердіқызы әр топ балаларының ата-аналарымен жасаған жұмыстарын және ертеңгілікті өткізу барысындағы тәрбиешілердің еңбектерін бағалап, топтарға орын беріп, «Ең үздік» топқа «Балапан» тобы лайықты екенін айтып, кубок марапатын сыйлап, әр топты жеке-жеке мадақтамалар мен сыйлықтармен марапаттады. Булекбаева Жанар Акбердіқызы кубок әр мереке, ертеңгіліктер мен іс-шаралар нәтижесінде үздік топтарға эстафета ретінде ұсынылатынын, сол үшін алда жоспар бойынша жасалатын басқа да жұмыстар да бұдан да жақсы нәтиже көрсететіндеріне сенімді екенін айтты. Топ тәрбиешілері ризашылықтарын білдіріп, алдағы жұмыстарда жоғары дәрежелер көрсетуге бар күштерін салатындарын айтып өтті.

Сөйледі: күн тәртібіндегі үшінші мәселе бойынша бөбекжайдың әдіскері Бектемирова Ақбота «Мектепке дейінгі оқыту мен тәрбиелеудегі жаңартылған бағдарлама бағыттары» тақырыбында дөңгелек үстел өтетінін айтып, жаңартылған бағдарламаның әдіс – тәсілдерімен пікір бөлісуге шақырды.

Жарыссөзге шыққандар: тәрбиеші Турдалиева Гулжан сөйлеп, Педагогикалық шеберлік орталығында оқыған 4К моделінің бағыттары сыни ойлау, командамен жұмыс, креативті ойлау, коммуникативті дағдыны ұйымдастырылған іс-әрекеттерде қалай қолдану керектігі жайлы өзінің іс – тәжірибесімен бөлісті.

Тәрбиеші Наримбаева Улжалгас педагогтың жетекшілігімен жүргізілетін ойын, құрымдалған ойын, еркін ойындардың қалай ойналатыны туралы бөлісті.

Шеберлік орталығында білімін жетілдірген педагогтардың барлығы өз тәжірибесімен бөлісіп, пікірлерін ортаға салды.

Меңгеруші жанындағы кеңес жиналысының шешімі:

1. Балалардың мәдени- гигиеналық талаптарының орындалуы жақсы деп бағаланып,бақылау жалғастырылсын.
2. «Алтын күз» ертеңгіліктерінің өтілуі жақсы деп бағалансын.
«Ең үздік топ» кубогы мереке, ертеңгіліктер мен іс-шаралар нәтижесінде үздік топтарға эстафета ретінде ұсынылу жалғастырылсын.
3. Мектепке дейінгі оқыту мен тәрбиелеудегі жаңартылған бағдарлама бағыттары ұйымдастырылған оқу қызметтерінде қолданылсын.

Бөбекжай меңгерушісі:

Хатшы:



Булекбаева Ж.А.

Бектемирова А.

Меңгеруші жанындағы кеңестің хаттамасы

№4 хаттама

Өткізілген күні: 08- желтоқсан. 2023 - жыл.

Қатысқандар: Бөбекжай меңгерушісі Булекбаева Ж.А., әдіскер Бектемирова А, медбике Потапова Н.В., шаруа меңгерушісі Арсланова А.М., балабақша тәрбиешілері және тәрбиеші көмекшілері

Қатыспағандар саны: жоқ

Күн тәртібінде қаралатын мәселелер:

1. Қыс мезгіліндегі балалардың жарақаттанбауына ескерту шараларымен таныстыру, нұсқаулықтар беру
2. «Тәуелсіздік күні» мерекесі мен кіші топтардағы жаңа – жылдық ертеңгіліктерді бекіту.

Тыңдалды: Жиналысты бөбекжай меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе қыс мезгіліндегі балалардың жарақаттанбауына ескерту шараларымен таныстыру, нұсқаулықтар беру туралы балабақша медбикесі Потапова Наталья Васильевна сөйледі. Балабақша қызметкерлерін балалардың қыс мезгілінде жарақаттанбауы үшін қандай нұсқаулықтарды сақтау керектігін айтып, ережемен таныстырды. Балаларды серуенге алып шығар алдында ойын алыңының, жолдардың мұз қатып, сырғанақ болмауын, шатырлаардан мұз тамшыларының құлау қаупінің жоқ екендігіне көз жеткізіп, міндетті түрде тексеріп шығу керек. Балалардың қауіпсіздік ережесінің сақталуы үшін ғимаратқа жақын жерде ойнатпау керек деді. Балаларды қыс мезгіліне сай жылы, әрі ыңғайлы, аяқ киімдері сырғанақ болмауы керектігі туралы ата - аналармен сөйлесуге кеңес берді..

Сөйледі: күн тәртібіндегі үшінші мәселе бойынша балабақшаның топ тәрбиешілері кезегімен сөйлеп, «Тәуелсіздік күні» мерекесі мен барлық топтағы жаңа – жылдық ертеңгіліктердің өту барысымен ақылдасты.

Тәрбиешілердің ұсыныстары мен өтініштері бойынша «Тәуелсіздік – тірегім» ертеңгілігі барлық топтардың қатысуымен өткізілетіні және балалар Отан, Қазақстан, тәуелсіздік туралы әндер орындап, тақпақтар айтып, би өнерлері көрсетілетіні талқыланып, мерекелік іс-шараның сценарийі бекітілді.

Ал, жаңа жылдық мерекелер үлкен екі топтардың балалары ата-аналардың өтініштері бойынша «Фиркан» ойын-сауық орталығына барып, сол жақта «Жаңа жылдық шырша» мерекесі ұйымдастырылатыны, жолда бару және қайту, ойын-

сауық орталығындағы балалардың денсаулықтары, ойнау және көңіл-күйлері, қауіпсіздік шараларының барлығы талқыланып, шешілді. Қалған екі ортаңғы топтар балабақшада жоспарға сай «Қош келдің, Жаңа жыл!» тақырыбында ата-аналардың қатысуымен ертеңгілік өткізілетіні айтылып, сценарий жоспарлары талқыланды.

Жарыссөзге шыққандар: тәрбиеші Жунисбекова Акдидар сөз алып, «Тәуелсіздік күні» мерекесінің жүргізушісі ретінде жауапкершілікті алып, іс-шараның сценариймен таныстырып өтті, барлық топтардан нөмірлер алынып, әр топ іс-шараға жақсы дайындық үстінде екенін айтып өтті.

МАД және ересек топ тәрбиешілері Кудайбергенова Куляш және Серикбаева Гульнара жаңа жылдық жоспар бойынша «Фиркан» ойын-сауық орталығына бару туралы ата-аналармен жалпы жиналыс жүргізілгендерін және барлық ата-аналардың өтініштері мен ұсыныстары әр ата-ананың қолымен жазылып, қағаз жүзінде жинақталып жатқаны айтылды.

Меңгеруші жанындағы кеңес жиналысының шешімі:

1. Қыс мезгіліндегі балалардың жарақаттанбауына арналған нұсқаулықтар әрдайым сақталынсын.
2. «Тәуелсіздік күні» мерекесі мен кіші топтардағы жаңа – жылдық сценарийлері бекітілсін.

Бөбекжай меңгерушісі

Хатшы:



Булекбаева Ж.А.

Бектемирова А.

Кезектен тыс
Меңгеруші жанындағы кеңестің хаттамасы

Өткізілген күні: 01 – желтоқсан, 2023 - жыл.

Қатысқандар: Бөбекжай меңгерушісі Булекбаева Ж.А., әдіскер Бектемирова А, медбике Потапова Н.В., шаруа меңгерушісі Арсланова А.М., балабақша тәрбиешілері және тәрбиеші көмекшілері

Қатысқандар саны: 15

Қатыспағандар саны: 1

Себептісі: 1 **Себепсізі:** жоқ

Күн тәртібінде қаралатын мәселелер:

1. Сатып алынған заттар туралы.
2. Тауарларды сатып алу туралы актінің түзілуі.

Тыңдалды: Жиналысты бөбекжай меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі қаралатын бірінші мәселе бойынша бөбекжай меңгерушісі Булекбаева Жанар Акбердіқызы сөз алып, 2023-2024 оқу жылында бөбекжайымызға мемлекеттен жаңадан балаларға жатын төсектер мен топтарға біршама жиһаздар бөлініп, топтардың барлығы өзгертілгенін еске түсірді. Биылғы жаңа жылда мемлекеттен қаржы бөлініп, бөбекжайымызға көптеген жаңа заттар мен тауарлар, қажетті материалдар сатып алынғанын айтты.

Жарыссөзге шыққандар: бөбекжай Әдіскері Бектемирова Акбота Есенгельдыевна сөйлеп, бөбекжайымызда тәрбиелеу-білім беру процесін ұйымдастыруда педагогтерге түрлі балалар әрекетін ұйымдастыру арқылы балаларды дамыту үшін сұраныс хаттар жазылып, бұйрықтар шығарылып, топтарға екі интерактивті тақталы панель және әдістемелік кабинетке түрлі-түсті принтер мен компьютер сатып алынғанын айтып өтті.

Шаруа меңгерушісі: Арсланова Альмира Муллахмедовна сөз алып, қараша айының 22-23 жұлдыздарында бөбекжайымыздың қажеттіліктеріне қарай заттарды жаңалау, ауланы әрлендіру, топтар мен ас бөлме, кір жуу бөліміне қажетті заттарды алу туралы сұраныс хаттар мен сметалар түзіліп, бұйрықтар шығарылып, тізім бойынша керекті заттар сатып алынғанын атап айтты.

Медбике: Потапова Наталья Васильевна сөз алып, бөбекжайымыздағы балалардың денсаулықтарын сақтау, қадағалау және емдік шаралар көрсету мақсатында сұраныс хаттар жазылып, қажетті дәрі-дәрмектер мен ингредиенттер сатып алынғанын айтып өтті.

Күн тәртібіндегі қаралатын екінші мәселе бойынша Төлеби ауданының білім бөлімінің «Бәйшешек» бөбекжай-бақшасы МКҚК-нында комиссия құрылып, комиссия төрайымы бөбекжай-бақша меңгерушісі Ж.А.Булекбаева, мүшелері әдіскер А.Е.Бектемирова, кәсіподақ ұйымының төрайымы У.А.Наримбаева, шаруа меңгерушісі А.Арсланова, медбике Н.В.Потапова және топ тәрбиешілері «Бәйшешек» бөбекжай-бақшасына сатып алынған барлық тауарлардың қажет екенін растап, осы жөнінде акті түзілді.

Кезектен тыс меңгеруші жанындағы кеңес жиналысының шешімі:

1. Сатып алынған заттар қолданылсын және ұқыпты, таза қолданылуы міндеттелсін.
2. Алынған барлық тауарлар бөбекжай-бақшасы үшін қажетті деп табылсын. Тауарларды сатып алу туралы акті түзілсін.

Бөбекжай меңгерушісі

Хатшы:



Булекбаева Ж.А.

Бектемирова А.

Кезектен тыс меңгеруші жанындағы кеңестің хаттамасы
№5 хаттама

Өткізілген күні: 09.01. 2024 жыл.

Қатысқандар: Бөбекжай меңгерушісі Булекбаева Ж.А., әдіскер Бектемирова А.Е., медбике Потапова Н.В., шаруа меңгерушісі Арсланова А., балабақша тәрбиешілері және тәрбиеші көмекшілері.

Қатыспағандары: жоқ

Күн тәртібінде қаралатын мәселелер:

1. «Тәуелсіздік күні» мерекесі мен Жаңа – жылдық іс-шаралардың қорытындысы.
2. Табиғат бұрышының жағдайы. Тірі табиғатты ұйымдастыру.

Тыңдалды: Меңгеруші жанындағы кеңесті бөбекжай меңгерушісі Булекбаева Жанар Акбердіқызы ашып беріп, жаңа 2024 ұлу жылымен құттықтап, тілектер айтты. Күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе бойынша бөбекжай әдіскері Бектемирова Акбота сөйлеп, «Тәуелсіздік күні» мерекесі мен барлық топтағы жаңа – жылдық іс-шаралар мен ертеңгіліктердің өткізілген барысымен таныстырды. "Тәуелсіздік - тірегім" ертеңгілігінде балалар Отан, Қазақстан, тәуелсіздік туралы әндер орындап, тақпақтар айтып, белсене қатысып, патриоттық билер билеп қатысқанын айтты.

Ал, жаңа жылдық ертеңгіліктер мен ойын-сауықта ұйымдастырылған мерекелік іс-шаралар да өз деңгейінде, барлығы ойдағыдай өткенін, ойын-сауықта Аяз ата, Ақшақар, Жаңа жыл, Мысық т.б. ертегі кейіпкерлері ертегі желісі бойынша сценариймен өнер көрсетіп, соңынан балаларға сыйлықтар таратылып, ойын алаңдарында еркін ойнап, мерекенің қызықты өткеніні айтты. Балабақшада да Жаңа жылдық ертеңгіліктер өткізіліп, Кейіпкерлер ойындар ойнатып, тапсырмалар орындатып, әртүрлі билер билетіп, Аяз атаның сыйлықтарын кү түлкіден құтқарып, балаларға өте қызықты болды. Ата-аналар да балаларының қуаныштары үшін көптеп келіп, балалардың көрсеткен өнерлеріне тамсанып, балабақша қызметкерлеріне өз ризашылықтарын білдіріп кетті.

Жарыссөзге шыққандар: тәрбиеші Сатыпалдыева Гульнара сөйлеп, «Тәуелсіздік- тірегім» атты ертеңгіліктің ұйымдастырылуы керемет болғанын және ертеңгіліктен тыс Тәуелсіздік жылдарында Қазақстан Республикасының жеткен жетістіктері туралы, туған жер туралы МАД тобының балаларына қосымша түсіндірме жұмыстар жүргізілгенін айтты. Жаңа жылдық мерекелік іс-шаралар мен ертеңгіліктер өз деңгейінде өтіп, балалар үшін өте көңілді, қызық болғанын да айтып өтті.

Тәрбиеші Кудайбергенова Куляш Тәуелсіздік күніне арналған ертеңгіліктің мән - мағынасы ертеңгілік барысында ашып көрсетілді, балалардың өз мемлекетімізге деген мақтаныш сезімдері оянды деп айтты. Жаңа жыл

ертеңгіліктері балаларға көтеріңкі көңіл - күй қуаныш сыйлайтындай жақсы дәрежеде өтті деді. Жақсы деп бағалайтынын айтты.

Тәрбиеші Жунисбекова Акдилар «Тәуелсіздік күні» ертеңгілігі барысында балалардың тек Тәуелсіздік туралы түсініктері қалыптасып қоймай, сахнада қалай тұруды, қалай өнерлерін көрсетуді үйренгенін айтты. Балалардың би билеп, ән айта білуіне апайлардың көп көмегі тиді деді. Ертеңгілікке атсалысқан, көмегін көрсеткен барлық апайларға ризашылығын айтып, еңбектері көп болғанын айтып өтті, ертеңгіліктің өтілуін жақсы деп бағалап өтті.

Бөбекжай меңгерушісі Булекбаева Жанар Акбердіқызы сөйлеп, мерекелік іс-шаралардың, ертеңгіліктердің өтілу барысы туралы айтып, қорытындылады. Ата - аналар еңбегімізді бағалап алғыс айтқанын және бұдан да жоғары дәрежеде өтуге ұсыныс айтты.

Сөйледі: күн тәртібіндегі екінші мәселе бойынша бөбекжай әдіскері Бектемирова Ақбота сөйлеп, бөбекжайдағы табиғат бұрышының жағдайы туралы айтты. Барлық топтардың табиғат бұрышында бөлме гүлдері, гүлдерді күтіп баптайтын құрал - жабдықтар, жыл мезгілін, ауа - райын бақылайтын стендтер бар. Балаларды еңбекке баулуда тәрбие жұмыстары кезінде табиғат бұрышында кезекшілік бойынша еңбекке баулу жұмыстары жүруде деді. Алайда тірі жануарлар бұрышын ойластырсақ, яғни құстар, балықтар т.б. жоқ болып тұр, жануарлар бұрышын қалай ұйымдастырсақ болады деген ұсыныс айтты.

Жарыссөзге шыққандар: Тәрбиеші Наримбаева Улжалгас табиғат бұрышына арнайы қаржы бөлінбегендіктен топ тәрбиешілері қолдан жасай алмайтындарын және әрине тірі бұрыш болса балаларды еңбекке тәрбиелеп қана қоймай, табиғатқа қамқор болуға үйренер еді деді. Тірі бұрыш жасауға қамқоршылық кеңеске ұсыныс тастап, демеушілер тарапынан ұйымдастырсақ деген ұсыныс айтты. Ұсынысты басқа педагогтар түгел қолдады.

Меңгеруші жанындағы кеңес жиналысының шешімі:

1. «Тәуелсіздік күні» мерекесі мен барлық топтардағы жаңа – жылдық мерекелік іс-шаралар, ертеңгіліктердің қорытындысы "жақсы" деп бағалансын.
2. Табиғат бұрышындағы тірі бұрыштар туралы Қамқоршылық кеңеске ұсыныс тасталып, демеушілер тарапынан ұйымдастырылып, жұмыстар жүргізілсін.

Бөбекжай меңгерушісі:

Хатшы:



Булекбаева Ж.А.

Бектемирова А.

Меңгеруші жанындағы кеңестің хаттамасы

№6 хаттама

Өткізілген күні: 05- ақпан 2024 жыл.

Қатысқандар: Бөбекжай-бақша меңгерушісі Ж.А.Булекбаева, әдіскер, медбике, шаруа меңгерушісі, аспаздар, балабақша тәрбиешілері және тәрбиеші көмекшілері

Қатыспағандары: жоқ

Күн тәртібінде қаралатын мәселе:

- 1.«Қыс қызығы» ойын – сауықтарын талқылау
2. Тамақ әзірлейтін орынның санитарлық жағдайы, тамақтың сапасын бақылау
3. Балалардың шығармашылық жұмыстарын талдау

Тыңдалды: Меңгеруші жанындағы кеңесті бөбекжай-бақша меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе бойынша бөбекжай-бақша әдіскері Акбота Бектемирова сөйлеп, «Қыс қызығы» ойын – сауығының мақсатымен, өткізілу барысымен таныстырды. Ойын – сауыққа Қар ханшайымы, Аққала, Қасқыр, Түлкі келіп сценарий бойынша катысып, ойын - сауықтың қызықты өтуіне әсерін тигізгенін, кейіпкерлер қысқы ойындар ойнатып, жарыстар жүргізілгені балаларға қызықты болғанын айтты. Балаларды таза қысқы ауада шынығып қана қоймай, қыс мезгілінің ерекшеліктерін танып, табиғатты қорғауға деген ынталары оянғанын айтты.

Жарыссөзге шыққандар: тәрбиеші Мөлдір Шакирова сөйлеп, қыс мезгіліне арналған ойын – сауықтың қызықты өткенін, балалармен шанамен сырғанап, қармен ойнап денсаулықтарын шынықтырды, әрі көңіл – күйлері көтеріліп қалды деді. Ойын – сауықтың өтілуін жақсы деп бағалады.

Тәрбиеші Акдидар Жунисбекова ойын – сауықтың ұйымдастырылуы өте қызық болғанын және таң қалдыру сәтіне Қар ханшайымы, Аққала, Қасқыр, Түлкі келіп ойындар ойнатып, қызықтырғаны жақсы болды деп айтты. Қорытындысын жақсы деп бағалайтынын айтып өтті.

Сөйледі: күн тәртібіндегі екінші мәселе бойынша бөбекжай кәсіподақ комитетінің төрайымы Наримбаева Улжалғас сөйлеп, тамақ әзірлейтін орынның санитарлық жағдайы, тамақтың сапасын кәсіподақ мүшелерінің бақылауларының нәтижесін айтты. Асхананың тазалығы талапқа сай. Ет турайтын, нан, салаттар турайтын тақтайшалар, ыдыс – аяқтар таңбаланып, бәрі дезинфекцияланып ережеге сай жуылады. Аспаздардың, асхана жұмысшысының киім формалары бар екенін, әр топқа берілетін тамақтардың таратылу кестесі құрылған, тәрбиеші көмекшілері топтарына тамақтарды алуға өз уақыттарында келіп тұратынын айтып, әр топқа астар да уақыттарымен берілгенін айтып өтті.

Сөйледі: күн тәртібіндегі үшінші мәселе бойынша бөбекжайдың әдіскері Акбота Бектемирова сөйлеп, балалардың шығармашылық жұмыстарына талдау

жасалғанын айтты. Балалардың шығармашылық жұмыстары ұйымдастырылған іс-әрекет өтіліп, қорытынды жасалып болған соң, ата – анаға көрінетіндей жерде жасалынған көрмеге ілінетінін және келесі ұйымдастырылған іс-әрекетіне дейін ілулі тұратынын айтты. Балалардың шығармашылық жұмыстары тігіліп, қай күні өтілгені, қанша бала қатысқаны жазылып, тігіліп қойылғанын айтты. Әр топта балалар жұмыстарының жинақталуы бақыланып, нәтижесін жақсы деп бағалады.

Меңгеруші жанындағы кеңес жиналысының шешімі:

1. «Қыс қызығы» ойын – сауығы өз дәрежесінде жақсы өтілді деп бағалансын.
2. Тамақ әзірлейтін орынның санитарлық жағдайы талапқа сай сақталынсын.
3. Балалардың шығармашылық жұмыстары көрмеге ілініп, тігіліп, жинақталу жалғастырылсын.

Бөбекжай-бақша меңгерушісі:

Хатшы:



Булекбаева Ж.А.

Бектемирова А.Е.

Меңгеруші жанындағы кеңестің хаттамасы
№7 хаттама

Өткізілген күні: 10 - наурыз 2024 жыл.

Қатысқандар: Бөбекжай-бақша меңгерушісі Ж.А.Булекбаева, әдіскер, психолог, медбике, шаруа меңгерушісі, балабақша тәрбиешілері және тәрбиеші көмекшілері.

Қатыспағандар: жоқ

Күн тәртібінде қаралатын мәселе:

1. «Бәйшешек» бөбекжай-бақшасында өтетін семинардың тақырыбы мен мақсаты және ұйымдастырылған іс-әрекеттердің тақырыптарын бекіту
2. Азаматтық қорғанысқа байланысты жүргізілген іс – шаралар барысы
3. Балабақшада санитарлық – гигиеналық тәртіптің орындалуы

Тыңдалды: Меңгеруші жанындағы кеңесті бөбекжай меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе бойынша әдіскер Бектемирова Акбота сөйлеп, алда өтетін семинардың тақырыбы мен мақсаты және ұйымдастырылған іс-әрекеттердің тақырыптарымен таныстырып өтті.

Семинар тақырыбы: «Баланы даралығы мен субъективтілігін қолдауға бағытталған дамытушы заттық-кеңістіктік ортада дамыту және тәрбиелеу міндеттерінің бірлігі»

Мақсаты: Әр баланың қызығушылықтарын, ерекшеліктері мен қажеттіліктерін ескере отырып, жалпы адами және ұлттық құндылықтар негізінде оларды толыққанды дамыту мен әлеуетін ашу.

Ұйымдастырылған іс-әрекеттердің тақырыптары:

1. «Балалардың шығармашылық дағдылары арқылы экологиялық тәрбиені дамыту» (*Гүлдер бағы*) Топ: «Балапан» ортаңғы тобы
Тәрбиешілер: Наримбаева Улжалгас Абдикалыковна, Спатаева Айнур Нышанбаевна;
2. «Ұлттық құндылық – тәрбиенің түп қазығы» (*Әжеге қонаққа*)
Топ: «Звездочка» ересек тобы. Тәрбиешілер: Турдалиева Гульжан Данияловна, Кудайбергенова Куляш Маликовна;
3. «Вода – основа жизни» экспериментальная работа. Топ: «Вишенка» МАД тобы. Тәрбиешілер: Серикбаева Гульнар, Канапиянова Алия;

Жарыссөзге шыққандар: тәрбиешілер Наримбаева Улжалгас, Турдалиева Гульжан, Серикбаева Гульнара сөйлеп, өздерінің өтетін ұйымдастырылған іс-әрекеттерінің мақсаты мен өту барысы туралы және жасалынып жатқан дайындықтар туралы толық ақпарат беріп шықты.

Психолог Жайлаубаева Айгерим Муратовна келген қонақтарды қарсы алу кезінде жақсы көтеріңкі көңіл-күй сыйлау мақсатында барлық педагогтарға

қабырғада жасалған «Көңілді көбелектер» бұрышынан түрлі түстегі көбелектерден бір түс таңдап алуын көрсетіп, жиналу бөлмесіне мотивациялық табан белгілерімен адымдап, сөздерді оқып кірулерін ұсынатынын айтты. Барлық қонақтар жиналған соң, келген қонақтармен «Сыйлыққа толы көңіл-күй» тренингін өткізілетінін де жоспарлап жатқанын айтып өтті.

Меңгерушісі Булекбаева Жанар Акбердіқызы, әр топта өткізілетін іс-әрекеттердің жақсы өтетініне сенімді екенін айтып, жалпы аудандық әдіс алмасу семинарының жоғарғы деңгейде болуына сәттілік тіледі. Семинар жоспарлары мен тақырыптары бекітілді.

Сөйледі: күн тәртібіндегі екінші мәселе бойынша бөбекжай-бақшаның шаруа меңгерушісі Арсланова Альмира сөйлеп, азаматтық қорғанысқа байланысты өткізілетін іс – шаралармен таныстырды. Бөбекжайда әр оқу жылының басында азаматтық қорғанысқа байланысты іс – шаралар жоспары түзіліп, жер сілкінісі, су тасқыны, боран соғуы, өрт шығу қаупі т.б. төтенше жағдайлар болғанда қалай сақтану, адамдарды қауіпсіз жерге орналастыру және қауіпті жағдайда кімдер неге жауапты болатынынын айтып берді. Апат кезіндегі сыртқа шығу картасымен таныстырды. Сонымен қатар балалармен бөтен адамдармен сөйлеспеуге, шақырса бармауға, тәтті берсе жемеуге, от шығатын заттармен, қауіпті заттармен ойнамау туралы үнемі әңгіме жүргізу керектігі туралы айтып өтті.

Жарыссөзге шыққандар: тәрбиеші Жунисбекова Акдидар өрт сөндіргіш баллонды қалай қолдану жайлы сұрақ қойып, сұрағына жауап алды.

Сөйледі: күн тәртібіндегі үшінші мәселе бойынша медбике Потапова Наталья сөйлеп, балабақшада санитарлық – гигиеналық тәртіптің орындалуы туралы айтты. Санитарлық талаптың орындалуы, дезинфекция талаптарының орындалуы, ылғалды сүрту жұмыстары, күрделі тазалау жұмыстарының жүргізілуіне күнделікті бақылау жүргізіліп, бағаланып, ескерту шаралары сол кезде айтылып кететінін айтты.

Меңгеруші жанындағы кеңестің шешімі:

1. Бөбекжай-бақшасында өтетін семинардың тақырыбы мен мақсаты және ұйымдастырылған іс-әрекеттердің тақырыптарын бекітілсін.
2. Азаматтық қорғанысқа байланысты жүргізілген іс – шаралар барысы «жақсы» деп бағалансын.
3. Бөбекжай-бақшада санитарлық – гигиеналық тәртіптің орындалуы талапқа сай деп бағаланып, санитарлық талап үнемі сақталынсын.

Бөбекжай-бақша

Хатшы:



Булекбаева Ж.А.

Бектемирова А.Е.

Меңгеруші жанындағы кеңестің хаттамасы
№8 хаттама

Өткізілген күні: 08 - сәуір 2024 - жыл.

Қатысқандар: Бөбекжай-бақша меңгерушісі Ж.А.Булекбаева, әдіскер, психолог, медбике, шаруа меңгерушісі, балабақша тәрбиешілері және тәрбиеші көмекшілері.

Қатыспағандар: жоқ

Күн тәртібінде қаралатын мәселе:

1. Бөбекжай-бақшада өткен семинар жайлы және өткізілген ұйымдастырылған іс-әрекеттеріне талдау жасау. Қорытынды.
2. Көктем мезгіліндегі учаскедегі жұмыстар
3. Топтардағы педагогикалық процесс пен ұйымдастырылған іс-әрекеттерге даярлықты бақылау

Тыңдалды: Меңгеруші жанындағы кеңесті бөбекжай-бақша меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе бөбекжай әдіскері Бектемирова Акбота сөйлеп: «Аудан көлемінде өткізген әдіс алмасу семинары жоғары деңгейде өтті. Барлық топтардағы ұйымдастырылған іс-әрекеттері биылғы мектепке дейінгі тәрбие мен оқытудың мемлекеттік жалпыға міндетті білім беру стандартына сай, заттық-дамытушы ортаны құру, оны қызығушылық орталықтарына бөлу, білім беру процесінде зерттеушілік, ұлттық, экологиялық тәрбиелерді байланыстыра балалардың түрлі әрекеттері ұйымдастырылып өткізілді. Балалар өз ойларын анық, нақты жеткізе білді. Балалар барлық іс-әрекеттерге қызығып, белсене қатысып отырды.

Жарыссөзге шыққандар: меңгеруші Булекбаева Жанар Акбердіқызы аудандық семинар жоғары деңгейде өткенін айтып, аудандық білім бөлімі семинарда өткізілген ұйымдастырылған іс-әрекеттердің жоспарлары аудан көлемінде таратылуын және өткізген тәрбиешілердің еңбегі бағаланып, облыстық және аудандық білім бөлімдерінің мақтау қағазына ұсынғандарын айтты.

Сөйледі: күн тәртібіндегі екінші мәселе бойынша бөбекжай-бақшаның шаруа меңгерушісі Арсланова Альмира сөйлеп, көктем мезгіліндегі жұмыстардың барысымен таныстырды. Гүл егетін клумбалар аударылып өңделу, гүлдер егу, ағаштардың түбін қопсытып әктеу т.б. жұмыстарды бірлесіп жасап, бөбекжай ауласын көркейтуге шақырды.

Жарыссөзге шыққандар: бөбекжай-бақша меңгерушісі Булекбаева Жанар Акбердіқызы бөбекжай ауласы гүлденіп тұрса, балаларға да, ата-аналарға, қызметкерлерге қандай жақсы көңіл – күй сыйлайтынын толығырақ айтты.

Сөйледі: күн тәртібіндегі үшінші мәселе бойынша бөбекжай-бақша әдіскері Бектемирова Акбота топтардағы педагогикалық процесс пен ұйымдастырылған іс-әрекеттерге даярлықты бақылау туралы айтты. Бақылау педагогикалық қателіктердің алдын алу және кемшіліктерді жою үшін жүргізілетінін айта келе,

күнделікті ұйымдастырылған іс-әрекеттердің өткізілуін бақылап жүргенін айтты. Ұйымдастырылған іс-әрекеттер ұйымдастырылған іс-әрекеттер кестесіне сай барлық топта өткізілуде. Алайда кейбір тәрбиешілердің ұйымдастырылған іс-әрекеттерге дайындығы төмен болған жағдайлар кездеседі. Ол тәрбиешіге сол уақытта ұсыныс, ескерту айтылды деп сөзін аяқтады

Меңгеруші жанындағы кеңестің шешімі:

1. Бөбекжай-бақшада өткен аудандық әдіс алмасу семинары жоғары деңгейде өткізілді деп бағалансын.
2. Көктем мезгіліндегі учаскедегі жұмыстар бойынша кесте құрылып, жұмыстар жүргізілсін.
3. Топтардағы педагогикалық процесс пен ұйымдастырылған іс-әрекеттерге даярлықты бақылау жалғастырылсын.

Бөбекжай-бақша меңгерушісі:

Хатшы:



Булекбаева Ж.А.

Бектемирова А.

Меңгеруші жанындағы кеңестің хаттамасы №9 хаттама

Өткізілген күні: 30 – мамыр 2024 жыл.

Қатысқандар: Бөбекжай-бақша меңгерушісі Ж.А.Булекбаева, әдіскер, медбике, шаруа меңгерушісі, бөбекжай-бақша тәрбиешілері және тәрбиеші көмекшілері.

Қатыспағандар: жоқ

Күн тәртібінде қаралатын мәселе:

1. «Жол тәртібін білейік, аман - есен жүрейік» жұмысының нәтижесі
2. Бөбекжай-бақшамен қоштасу ертеңгілінің өтілуі және дайындығы
3. «Балаларды қорғау күнін» ұйымдастыру мен өткізу
4. Жаз мезгілінің жоспары мен күн тәртібін бекіту

Жазғы сауықтыру шаралары:

- бассейнмен жабдықтау;
- Құмсалғыштарды құммен толтыру

Тағамның сапасын, әртүрлілігін бақылау.

Тыңдалды: Меңгеруші жанындағы кеңесті бөбекжай меңгерушісі Булекбаева Жанар Акбердіқызы ашып беріп, күн тәртібінде қаралатын мәселелермен таныстырды.

Сөйледі: күн тәртібіндегі бірінші мәселе бойынша ортаңғы «Балапан» тобының тәрбиешісі Наримбаева Улжалғас «Жол тәртібін білейік, аман - есен жүрейік» жұмысының мақсатымен таныстырып өтті. Таң қалдыру сәтіне Дымбілмес жол ережесін бұзғанын, жол сақшысы келіп балаларға және Дымбілмеске жол тәртібі туралы, жолда абай болу керек екені туралы түсіндіріп өткенін және жол тәртібіне байланысты қандай ойындар, жарыстар өтілгенін атап көрсетті. Бүгінгі өтілген ойын-сауықта балаларға қандай жол ережелерімен таныстарғанын, қандай көрнекіліктер, жол ережелерінің белгілерін қолданғанын айтты.

Жарыссөзге шыққандар: тәрбиеші Канапиянова Алия ойын-сауыққа көрнекіліктер, жол ережесіне байланысты ойындар, жол белгілері орынды қолданып, мақсатына жетті деп ойлаймын деді.

Тәрбиеші : Кудайбергенова Кулаш «Жолда жүру ережесі» жұмысында балалар жол тәртібінің ережелерімен, жолдан, ақжолдан, бағдаршамнан өткенде абай болу керек екенін және өз өмірлерінің қауіпсіздігі үшін жол тәртібін сақтау керек екендерін түсінді деп ойлаймын. Балалар өте белсенді, қызығушылықпен ойын-сауыққа қатысты деп айтып өтті.

Сөйледі: күн тәртібіндегі екінші мәселе бойынша Мектепалды даярлық «Вишенка» тобының тәрбиешісі Серикбаева Гулнар сөйлеп, «Прощай, детский сад!» іс-шарасының сценариймен, барысымен таныстырды. Қоштасуда балалар іс-шараға арнап дайындаған өнерлерін, билерін, әндерін, тақпақтарын айтып, қызықты ойындар ойнап, бөбекжайдың барлық қызметкерлеріне алғыстарын білдіреді. Ата-аналармен де ойындар ойнату ұйымдастырылуда деп толық айтып өтті.

Жарыссөзге шыққандар: ересек «Звездочка» тобының тәрбиешісі Шакирова Мөлдір сөйлеп, қоштасуда балалардың мектепке дайын екендерін көрсету мақсатында математика негіздері ұйымдастырылған іс-әрекетінен әртүрлі тапсырмалар орындайтындары, дидактикалық ойындар қосылатыны өте жақсы екенін айтты.

Сөйледі: күн тәртібіндегі үшінші мәселе бойынша бөбекжай әдіскері Бектемирова Акбота сөйлеп, 1- маусым балаларды қорғау күніне арналған «Біз бақытты баламыз» атты ертеңгілігі бөбекжайдың ауласында өтетінін, аула безендіріліп, балаларға балабақша атынан тәттілер дайындалатынын айтты. Ертеңгіліктің сценариймен таныстырып, билер, әндер, түрлі қызықты ойындар ойнатылатынын айтып өтті.

Жарыссөзге шыққандар: бөбекжай медбикесі Н.Потапова «1-маусым балаларды қорғау күніне» арналған ертеңгіліктің бөбекжай ауласында өткенде санитариялық талаптарды қатаң сақтай отырып, барлық топтардың тәрбиешілері мен тәрбиеші көмекшілері балалардың қауіпсіздігін қадағалап, бөбекжай әкімшілігі тарапынан берілетін тәттілер мен дәрумендерді балалар абайлап жегендерін қарауларын айтып өтті. Педагогтар ұсыныстарды түгел қабылдады.

Сөйледі: күн тәртібіндегі төртінші мәселе бойынша бөбекжай әдіскері Бектемирова Акбота жаз мезгілінің жоспарымен, күн тәртібімен, жаз мезгілінде өтілетін сауықтыру шаралармен таныстырды. Педагогтар бекітілсін деп бір ауыздан қолдады.

Жарыссөзге шыққандар: шаруа меңгерушісі Арсланова Альмира жаз мезгіліндегі тағамның сапасының әртүрлілігі туралы, жаз мезгіліндегі сауықтыру шараларына дайындық жүргізіліп жатқанын және учаскедегі құмсалғыштар құммен толтырылып, жаз мезгіліне дайындықтар жүргізіліп жатқанын айтты.

Меңгеруші жанындағы кеңестің шешімі:

1. «Жол тәртібін білейік, аман - есен жүрейік» жұмысының нәтижесі жақсы деп бағалансын.
2. Бөбекжаймен қоштасу ертеңгілігінің дайындығы жүргізіліп, сценарийы бекітілсін.
3. «1 маусым -Балаларды қорғау күніне» арналған ертеңгіліктің сценарийы бекітілсін.
4. Жаз мезгілінің жоспары мен күн тәртібі мен жоспары бекітілсін, жазғы сауықтыру шараларына арналған жұмыстар жүргізілсін.

Бөбекжай-бақша меңгерушісі:

Булекбаева Ж.А.

Хатшы:

Бектемирова А.

